

መጅልስ አምን ወለዛልም ቀራራቱ ድድ ኤረትሮፕ

(21ይ ክፍል)



እብ ዶ/ር አሕመድ ሐሰን ድሕሊ

ተርጀመት፡ መሐመድ እድሪስ መሐመድ

እሊ ታሪካይ፡ ስያሴይ፡ እቅትሳድያይ ወመሕበራይ ቴለል ሶማል፡ “ገለድ መሓክም እሰላሚያ” እብሼሽ ሜዳን ሶማል እግል ልራቅብ አስተብደ። ቅደይ ምዋጥኒን ሶማል እግል ለአስክብ ሰበት አስተብደ ህዬ ተእሲሩ እንዴ ፈይሐ ህዬ ከብቴ ስካን መቃዲሾ ረክበ። ዲብ ሰኒ ሐጫር ወክድ ህዬ “መናቢት ሐርብ” ለለርዕብ ብቆዕ ስያሴይት ሓለት ገብኦ። “መናቢት ሐርብ” እግል መቃዲሾ ናይ ብሕተ መሳልሖም እበ ከድም ጥሉቅ አግቡይ እግል እዳረት፡ እብ ሐቂቀት እብ ናይ ብሕተ ምልክ ሰበት ልትአዘዙ፡ ለገብኦ ስያሴይ መሕበራይ ወወስከርያይ ክምሰልሁመ ዲብ ቅወት እግል ትጃገርም አው ዲብ ናይ እዳረት ቅደይ መቃዲሾ ምስሎም እግል ልሻርክ ሰበት ለሐዙ፡ ፍንጌሆም ውሕዳት “ገለድ መሓክም እሰላምያ” ዓም መዓርክ ዐስከሪ እግል ልትከሰት ጠቢዕያይ ቴ ለዐለ።

ዋሽንግቶን ወአዲስአበበ መብዘሖም እግል መሻክል ሶማል ምን ቅሩብ ለታብያ ጀሃት፡ ሚሊሻታት “መናቢት ሐርብ” ዲብ ረአስ ቅዋት “ገለድ መሓክም እሰላሚያ” እብ ቀሊል መደምራይ ዐውቴ ልታከው ዐለው። ምናተ ቅወት መሓክም እሰላሚያ እበ ድምርት መርከብ “መናቢት ሐርብ” እግል ልክህሉ ለኢቀድር መርባይ ሰበይ መጽኦ፡ “መናቢት ሐርብ” ወለ ሰዳይት አሜሪካ ወአቶብያ ምንመ ልውሕዝ እቶም፡ ምን ተሪቅ መርከቦም እግል ትንጂ ኢቀድረት። ሰርም ክምሰል ሰለመው፡ ሰር ህዬ ክምሰል ሞተው ለተርፈው አርወሐቶም እግል ለአንግፎ፡ እብ ምድር ወወስተር አስክ ክሉ እትጀሃት በህለት

አዲስአበባ ወዋሽንግቶን ሀርበው። ቅዋት “ገለድ መሓክም እስላሚያ” ዲብ ረአስ ሚሊሻታት “መናቢት ሐርብ” ትሉሉይ ዐስከርያይ ዐውቴታት እግል ለአክዶ ለቀድሮ እቡ አስባብ፡ ክምሰለ ገሌ ጀሃት ለጌመመው ናይ ካርጅ ሰዳይት ሰበት ትከዔት እቶም ኢኮን።

ለደመዊ ወመደምራይ ሐርብ መቃዲሾ እብ መስለሐት ውሕዳት ፤”ገለድ መሓክም እስላሚያ” ክምሰል ተምም ለወደ ሓድር ቴለል እሊ ለተሌቱ።

1. ሰካን መቃዲሾ ድድለ ዲብለ መዲነት ደማር፡ ከራብ፡ ወመቅርሕ ለለአነግሶ፡ “መናቢት ሐርብ” ሰበት በጥረው።

2. ዕጋል ናይለ መዲነት ምንለ ድቁብ ምስል እግል ዎሮት ዕቁድ ወሰር እግል ሶማል ዲብ መሻክል ትሩድ ለሸመው፡ “መናቢት ሐርብ” ጀላብ እግል ልትባለሐ፡ “እግል መሓክም እስላሚያ” ሰበት ሰደው ወአየደ።

3. ሰብ ትጃረት ዲብ ዓሲመት እብ ዶ/ር አሕመድ ሐሰን ድሕሊ ሶማል ምስል “መሓክም እስላሚያ” ሰበት በጥረው፡ “መናቢት ሐርብ” ምን መቃዲሾ ለሀርበው፡ ዲብ መዲነት፡ ሸዐብ ሶማል ዲብ መምተለካቶም ወአርወሐቶም ለፈርሀው ወራታት ትጃረት እግል ልሳይሮ ቀድሮ ይዐለው።

4. ገሌ “መናቢት ሐርብ” ድድ “ገለድ መሓክም እስላሚያ” ሐርብ ዊደት ፋኢደት ክምሰል አለቡ ፍህማም ዐለው። ተቃሪር አሜሪካ ክምሰለ ለሐብሩ ህዩ፡ ገሌ ምኖም፡ እዳረት አሜሪካ እብ ገበይ መክተብ ምግባይ ወኪል ስለለለ አሜሪካ ሲ.ኦይ.ኤ. ዲብ ዓሲመት ኬንዩ - ናይሮቢ ሰዳይት ማል ክምሰል ተህየበው ዲብ መስለሐቶም ትፈረረው።

5. አሜሪካ “እግል መናቢት ሐርብ” ለተህይቡ ዱቅሪ ወእብ ወለት ገበይ ሰዳይት እግል ወድ ሶማል ላቱ ምዋጥን ነክደዩ ወእግለ ተሐልፈ መሪር ቴለል ክምሰለ ልዘከሩ ዋዲሁ ሌጠ እንዴ ኢገብእ፡ ሰካን መቃዲሾ ምስል “ገለድ መሓክም እስላሚያ” ክምሰል ልትዓወኖ ዋዲሆም ቱ።

6. “መትዐዳይት ፈደራልየት ሕኩመት ሶማል” እብ ማርሒት ኮሎኔል ዐብደለ ዩስፍ ምን ናይሮቢ አስክ ባይደወ ክምሰል አቅበለ፡ ዳይመት ምሽክለት ሶማል ዲብ አስከቦት አሳስ ብነ ናይለ ክሉ ወድ ሶማል ምዋጥን ለልትሐለመ ውሕደተ ለተአከደት ዲብ አክዶት ፈሸለት።

7. “መሓክም እስላሚያ” እግል አምዕላይት ሐያት ምዋጥኒን እብ መስኡልየት ወበቃዐት እግል ልምረሕ ሰበት ቀድረ፡ ዲብ ሸዐብ መቃዲሾ ትምሳል ሰኒ ካልቅ ህለ። ምስለ ቀደም ለሀ ለዐለ ቴለል እብ አትመጣዋር ህዩ መቃዲሾ ሸበህ አምን ወመስኩበት ረክበት።

8. ቅዋት “መሓክም እስላሚያ” ዲብሊ ለትመቃርሐው ባካት፡ ምን ዲብ መደት “መናቢት ሐርብ” ለዐለት ፈውደት እብለትፈናተ ንዛም (ዲስፕሊን) ባንያመ ዐለው።

9. ሚሊሻታት “መናቢት ሐርብ” እግል ቀሊብ መሓክም እስላሚያ ለተበዐዩ ስርጉል ዐስከርያይት እስትራተጅየት፡ እግል ስታቲባት እዳረት አሜሪካ ወሰብ ሰልጠት አቶብዩ ሐምረገዩ። አጅንደት “መሓክም እስላሚያ” አጅንደት መሓክም እስላሚያ ሚ ክምሰል ዐለ ምን ቅያደቱ ምስል ወሳእል እዕላም ዐረብ ወቀርብ ውድወ ለዐለው ልቃኣት እንዴ ትበገሰው፡ እብ ክእን ለተሌ እግል ልጨመም ቀድር።

1. ዲብ ሶማል አክል ሕድ ክምሰለ ዲብ አፍጋኒስታን ለትረኣ ንዛም ጣሊባን ለመሰል ንዛም እስላሚ እግል ነአስስ ክሉ ረአሱ ፍክር አለብን።

2. ሕኩመት እስላምየት ናይ ተኪል ሀደፍ አለብን። ሸዑብ ሶማል ሚ ጅንስ ንዛም ክምሰል ለሐዜ ኖሱቱ ለቀርሩ። ፈደራልያይ ልግበእ ወለ ምርኩዝ እሉ ከስስ።

3. ሶማል መሐብዒት “መርዕደት” እግል ትግበእ ንየት አለብን። እግል ሀደፍ ወወራታት እርሃብ ለለአይዶ ሐሽመት ኢነአይዶም።

4. ሸዑብ ሶማል ለአትበገሰዩ መቃወማት ምስል አልቃዕደ ልግበእ ወኡሳመ ቢንላንዲን ዕላቀት ለአለበ ሳፍየት በዳሪት ሶማልየት ተ።

5. ዲብ ሶማል መስኩበት፡ አምን፡ ስኒት ወሰላም እግል አከዶትቱ።

6. ሀደፍን፡ ፍንጌ ክሎም ሶማልዱን እብ ሰላም ክምሰል ልትናበሮ ለለአክድ ዐድል፡ መሳዋት ወረአይክ ናይ ሽርሐት ሕርየት ለትመደደ እተ ውሕደተ ለአከደት ደውለት አሰሶት።

7. መሻክል ግብለት ክምሰል አርሂን፡ ናይ መንጠቀት ወእዲነ እዕትራፍ ለበ ውሕደት ሶማል አከዶት ታሪካይት ሐቂቀት ሰበት ተ፡ ምስል ፑንት-ላንድ ወሶማሊ ላንድ እብ ውሕደት እብ ሕበር ለለአሸቄነ መካኒዝም እንዴ ትከለቀ ዲብ ዎሮ ስያስያይ ፍክር እግል ምጽኣት እግል ንትዐወት ቱ።

8. ዲብ ቀር አፍሪቀ ናይ እቅትሳድ መትሰዳዳይ ወመትግዋን እግል ለሀሌ ነአምን። ተአምርታት “መሓክም እስላሚያ” ወ “መትዐደይት ፈደራልየት ሕኩመት”

1. “መትዐደይት ፈደራልየት ሕኩመት” ሐቆ ናይ ክልኤ ሰነት ማራቶናይ ህድግ ዲብ ናይሮቢ ትከወነት። “መሓክም እስላሚያ” ላኪን ዲብ ቀበት ሶማል ተአሰሰ። እለ ቀድየት ህዬ እግል ኖሰ ምህም ምንመ ኢትትበሀል፡ አህምየት ዐባይ በ።

2. ተክላን “መትዕዳይት ፈደራልየት ሕኩመት” ዲብ ናይ ዐሻይር ተክላን ሶማል ለተአሰሰት ተ።

እግል መሰል ርኢስ ሕኩመት ኮሎኔል ዐብደላ ዩስፍ ምን ዐሺረት ማጅረን ወዳሮድዮ ገብእ እት ህለ፡ ርኢስ ወዘረእ ዐሊ መሐመድ ጄዲ ህዩ ምን ሃውያ ቱ። ብዕዳም ወዘረእመ እብ ክምሰልሁ ለተአሰሰ ቱ። ዲብ ሶማል ናይ ቀባይል ወዐሻይር ገለዳት ዲብ ወራታት ስያሰት እብ ክእነ እብ ሸፋግ ለአሰሰዩ እብ ሸፋግ ቱ ለፈርሰ። እሊ እምብል ዲብ ህሌነ ተሸክካት እግል ከሊቅ እንዴ ኢገብእ፡ ዲብ ክምሰልሁ መተንካብ ክምሰል ኢለትሐዜ እግል አትፋቃድ ቱ። እብ ቃብል እሊ “መሓክም እስላሚያ” ክምሰለ ስሜቱ ለሐብሩ ዲብ ቀበትለ እግል ዎሮ ዕቁድ ወሰር “መናቢት ሐርብ” ለከልቀዉ ስያስያይ፡ መሕበራይ ወእቅትሳድያይ ፈውደት፡ ፍንጌ “መሓክም እስላሚያ” ኣብያት ፍርድ እበ ገብአ ገለድ ለተአሰሰ ቱ። “መሓክም እስላሚያ” ናይ ዎሮ ርያል ክልኣት ገጽ ኢኮን ለዐለ። ሜርሐቱ ክምሰል ሼክ ሐሰን ጣህር ዕዌስ ርኢስ ቤት ኅማት ምጅልስ ወርእስ ምጅልስ ሼክ ሸሪፍ ሼክ አሕመድ፡ ዲብ ቀበቶም ዲብ ገሌ ቀድያት ናይ ረአይ መትፈናታይ ምንመ ዐለ እሎም፡ ፍንጌ ናይለ ትፈናተ “ መሓክም እስላሚያ” ውሕደት ወመቅርሕ እግል ክልቀት እብ ክለ ሒለቶም ሸቁ ክምሰል ዐለው ለሐብሮ። ዲብ ነአይሽ አምዕላይ ቅደይ እግለ ሳድፍ ኸላፍ ርእየት ቀሊል ምንማቱ፡ ዲብ መራጄዕ ሶፍዮ፡ ሰለፍዮ፡ ወሃብዮ፡ ጅሃድዮ ወመርከዝ እንዴ ተንከብከ ርእየቱ ላኪን ለትኬለመ ወለተሐባለካ ቱ። እሊ እግል ፈልሰፈት አልቃዕደ እብ ብንላንዲን እንከር እንዴ ከሬከ በህለት ቱ።96